

**JU Terapijska zajednica – Kampus Kantona Sarajevo**, sa sjedištem u ul. Iznad sela Kešelji bb, Rakovica, Sarajevo, zastupano po v.d. direktorice mr. sc. socijalne pedagogije Sanela Pekić (u daljem tekstu: Kampus),

i

**KJU " Porodično savjetovalište"**, sa sjedištem u ul. Azize Šaćirbegović, Sarajevo, zastupano po direktorici Senada Bosno (u daljem tekstu: Savjetovalište)

zaključili su dana 23.12. 2019. godine

## **SPORAZUM O SARADNJI**

### **I OPŠTE ODREDBE**

#### ***Saradnja Savjetovališta i Kampusa***

##### **Član 1.**

Cilj ovog Sporazuma je intenziviranje saradnje u mreži ustanova socijalne zaštite, poboljšanja efikasnosti u radu Savjetovališta i Kampusa te unapređenja usluga građanima, kojim se predlažu zajedničke aktivnosti.

### **II SARADNJA UGOVORENIH STRANA**

#### ***a) Savjetodavni rad sa ovisnim osobama***

##### **Član 2.**

Organizovanje individualnih savjetodavnih sastanaka sa potencijalnim korisnicima Kampusa ili drugim osobama koje se javljaju sa problemom konzumiranja psihoaktivnih supstanci.

##### **Član 3.**

Predstavnici dvije ustanove će formirati zajednički multidisciplinarni tim koji će zajednički definisati postupak rada i međusobne uloge, počev od promocije ove usluge, prijema korisnika, rada u timu, opservacije, izrade mišljenja, izvještavanja, do upućivanja korisnika u dalji tretman.

#### ***b) Savjetodavni rad sa porodicama***

#### **Član 4.**

Organizovanje savjetodavnih sastanaka za porodice korisnika Kampusu, koji će se organizovati jednom mjesečno.

#### **Član 5.**

Stručni saradnici dvije ustanove će nakon trijažnog sastanka sa porodicom izraditi pojedinačni plan rada i razvoja sa svakom porodicom, te definisati: teme, oblasti, znanja i vještine koje je potrebno obraditi tokom tretmana. Također, voditi će se jedinstvena evidencija svih susreta sa praćenjem postignutih rezultata i smjernica za dalji rad.

#### ***c) Grupe samopodrške***

#### **Član 6**

Organizovanje redovnih grupa uzajamne samopodrške namijenjene korisnicima koji su završili tretman u Kampusu ili drugim terapijskim zajednicama.

#### **Član 7.**

Ove grupe nisu psihoterapijske grupe, već su mjesto gdje se osobe, koje prolaze kroz slična životna iskustva, mogu susresti i dijeliti jedne s drugima ono što prolaze – svoje misli, osjećaje, dileme. Grupe samopodrške bi se organizovale jednom sedmično ili dva puta mjesečno u trajanju od dva sata.

#### **Član 8.**

Predstavnici dvije ustanove bi radili u paru i imali bi ulogu facilitatora koji se brine o organizaciono tehničkom okviru održavanja grupe, te da tokom susreta svi članovi grupe imaju prostor i vrijeme za izraziti svoje stavove i mišljenja unutar predviđenog vremenskog okvira.

#### ***d) Primarna prevencija***

#### **Član 9.**

Organizovanje zajedničkih preventivnih aktivnosti, serija radionica, predavanja i praktičnih treninga s ciljem jačanja zaštitnih faktora kod porodice i njenih članova.

#### **Član 10.**

Predstavnici dvije ustanove bi zajednički definisali ciljne grupe i teme, te svako iz svog domena rada dao podršku mladima, roditeljima, ali i profesionalcima da se nose sa izazovima današnjeg društva. Na ovaj način bi se udružile snage, povećao obim korisnika i kvalitet pružene usluge.

### III ZAVRŠNE ODREDBE

#### Član 11 .

Sporazum može prestati u svako vrijeme saglasnošću ugovornih strana.

#### Član 12.

Sve nesuglasice će se rješavati u okviru postojeće pravne regulative i u duhu tolerancije i razumijevanja.

#### Član 13.

Sporazum je sačinjen u dva (2) istovjetna primjerka, od kojih svaka strana zadržava po jedan primjerak.

  
JU Terapijska zajednica  
- Kampus Kanton Sarajevo  
  
Senada Pekić  
35-01-05-1565/19

Sarajevo, 23.12.2019.

  
KJU "Porođično savjetovalište"  
direktorica  
  
Senada Bosno  
Broj:01-35-8-883/19

Sarajevo, 23.12.2019. godine